

摩訶般若波羅蜜經勸持品第三十四

[0286a27]爾時三千大千國土世界所有四天王天。乃至阿迦尼吒天。語釋提桓因諸天言。應受是般若波羅蜜。應持應親近應讀誦說正憶念。何以故。若受持般若波羅蜜乃至正憶念故。一切所修集習善法當具足滿。增益諸天眾減損阿修羅。諸天子受持般若波羅蜜乃至正憶念故。佛種不斷法種僧種不斷不斷僧種。不斷佛種法種僧種不斷故。便有檀那波羅蜜尸羅波羅蜜羼提波羅蜜毘梨耶波羅蜜禪那波羅蜜般若波羅蜜皆現於世。四念處乃至十八不共法菩薩道皆現於世。須陀洹果斯陀含果阿那含果阿羅漢果辟支佛道佛道。須陀洹乃至佛皆現於世。爾時佛告釋提桓因言。憍尸迦汝當受是般若波羅蜜持讀誦說正憶念。何以故。若諸阿修羅生心。欲與三十三天共。憍尸迦。汝爾時當誦念般若波羅蜜。諸阿修羅惡心即滅更不復生。憍尸迦。若諸天子天女五死衰相現時。當墮不如意處。汝當於其前誦讀誦般若波羅蜜。是諸天子天女。聞般若波羅蜜功德力故還生本處。何以故。聞般若波羅蜜有大利益故。復次憍尸迦。若有善男子善女人若諸天子天女。聞是般若波羅蜜經耳。是功德故漸當得阿耨多羅三藐三菩提。何以故。憍尸迦。過去諸佛及弟子皆學是般若波羅蜜。得阿耨多羅三藐三菩提入無餘涅槃。憍尸迦。未來世諸佛今現在十方諸佛及弟子。皆學是般若波羅蜜得阿耨多羅三藐三菩提入無餘涅槃。何以故。憍尸迦。是般若波羅蜜攝一切善法。若聲聞法若辟支佛法。若菩薩法若佛法。釋提桓因白佛言。世尊。般若波羅蜜是大明 無上明 無等等明。何以故。世尊。是般若波羅蜜能除一切不善。能與一切善法。佛語釋提桓因言。如是如是。憍尸迦般若波羅蜜是大明 無上明 無等等明。何以故憍尸迦。過去諸佛因是明 故得阿耨多羅三藐三菩提。若未來世諸佛今現在十方諸佛。亦因是明 得阿耨多羅三藐三菩提。因是明 故世間便有十善道。便有四禪四無量心四無色定。便有檀那波羅蜜乃至般若波羅蜜四念處乃至十八不共法。便有法性如法相法住法位實際。便有五眼須陀洹果乃至阿羅漢果辟支佛道一切智一切種智。憍尸迦。菩薩摩訶薩因緣故。十善出於世間。四禪四無量心乃至一切種智。須陀洹乃至諸佛出於世間。譬如月滿滿月照明星宿亦能照明。如是憍尸迦。一切世間善法正法十善乃至一切種智。若諸佛不出時皆從菩薩生。是菩薩摩訶薩方便力。皆從般若波羅蜜生。是菩薩摩訶薩以是方便力。行檀那波羅蜜乃至禪那波羅蜜。內空乃至無法有法空。四念處乃至十八不共法不證聲聞辟支佛地。亦能成就眾生淨佛國土。壽命成就國土成就菩薩眷屬成就得一切種智。皆從般若波羅蜜生。復次憍尸迦。若善男子善女人聞般若波羅蜜。受持親近乃至正憶念。是人當得今世後世功德成就。釋提桓因白佛言。世尊。何等是善男子善女人受持般若波羅蜜。乃至正憶念得今世功德。佛告釋提桓因言。若有善男子善女人受持般若波羅蜜。乃至正憶念終不中毒死兵刃不傷水火不害。乃至四百四病所不能中。除其宿命業報。復次憍尸迦。若有官事起。是善男子善女人讀誦是般若波羅蜜故。往至到官所無能所官不官不譴責者。何以故。是般若波羅蜜威力故。若善男子善女人誦讀讀誦是般若波羅蜜。到王所若太子大臣所。王及太子大臣皆歡喜問訊和意共與語。何以故。是諸善男子善女人常有慈悲喜捨心向眾生故。憍尸迦。若善男子善女人受持般若波羅蜜乃至正憶念。得如是等種種今世功德。憍尸迦。何等是善男子善女人得後世功德。是善男子善女人終不離十善道四禪四無量心四無色定。六波羅蜜四念處乃至十八不共法。是人終不墮三惡道受身貌完具。終不生貧窮下賤工師除廁人擔死人家。常得三十二相。常得化生生諸現在佛國。終不離菩薩神通。若欲從一佛國至一佛國。供養諸佛聽諸佛法受法教。即得隨意所遊佛諸國。能成

就眾生淨佛國土。漸得阿耨多羅三藐三菩提。憍尸迦。是名善男子善女人後世功德。以是故。憍尸迦。善男子善女人應當受持是般若波羅蜜。親近讀誦說正憶念。花香乃至伎樂供養。常不離薩婆若心。是善男子善女人乃至阿耨多羅三藐三菩提。得今世後世功德成就◎梵無區分■以上大般若第二會第三十二功德品●

摩訶般若波羅蜜經遣異梵志品第三十五◎丹梵志品●

[0287a27]爾時 Anyatārthikā 諸外道異學梵志來向佛所欲求佛短。是時釋提桓因心念。是諸外道梵志來向佛所欲求佛短。我今當誦念從佛所受般若波羅蜜。是諸外道梵志等。終不能中道作礙斷說般若波羅蜜。釋提桓因作是念已。即誦念般若波羅蜜。是時諸外道梵志。遙繞佛復道還去。時舍利弗心念。是中何因緣。諸外道梵志遙繞佛復道還去。佛知舍利弗心念。告舍利弗。是釋提桓因誦念般若波羅蜜。以是因緣故。諸外道梵志遙繞佛復道還去。舍利弗。是諸外道梵志我不見我不見是諸外道梵志一念善心。是諸外道梵志持惡心來欲索佛短。舍利弗。我不見說般若波羅蜜時一切世間若天若魔若梵若沙門眾婆羅門眾中。有持惡意來能得短者。何以故。舍利弗。是三千大千國土世界中。諸四天王天乃至阿迦尼吒天。諸聲聞辟支佛諸菩薩摩訶薩。守護是般若波羅蜜。所以者何。是諸天人皆從般若波羅蜜中生故。復次舍利弗。十方如河沙等國土世界中。諸佛及聲聞辟支佛菩薩摩訶薩諸天龍鬼神等。皆守護是般若波羅蜜。所以者何。是諸佛等皆從般若波羅蜜中生故。爾時惡魔心念。今佛四眾現前集會。亦有欲界色界諸天子。是中必有菩薩摩訶薩受記當得阿耨多羅三藐三菩提。我寧可至佛所破壞其意。是時惡魔化作四種兵來至佛所。爾時釋提桓因心念。是四種兵或是惡魔化作欲來向佛。何以故。是四種兵嚴飾。頻婆娑羅王四種兵所不類。波斯匿王四種兵所亦不類。諸釋子四種兵所亦不類。諸梨昌唱四種兵皆所亦不類。此是惡魔化作四種兵。是惡魔長夜索佛便欲惱眾生。我寧等可誦念般若波羅蜜。釋提桓因。即時誦念般若波羅蜜。惡魔聞其所誦漸漸而退復道還去。爾時會中四天王諸天子。乃至阿迦尼吒諸天子。化作天花於虛空中而散佛上作是言。世尊。願令般若波羅蜜久住闍浮提。所以者何。闍浮提人受持般若波羅蜜隨所住時。佛寶亦住住不滅法寶僧寶亦住不滅。爾時十方如河沙等世界國土中。諸天亦皆散花而作是言。世尊。願令般若波羅蜜久住闍浮提。若般若波羅蜜久住。佛法僧亦當久住。亦分別知菩薩摩訶薩道。復次所在在所住處。有善男子善女人有書持般若波羅蜜經卷是處則為照明已離諸眾冥。佛告釋提桓因等諸天子。如是如是。憍尸迦及諸天子。闍浮提人。受持般若波羅蜜隨所住時。佛寶如是住法寶僧寶亦如是住。乃至在所所在住處。有善男子善女人。有書持般若波羅蜜經卷。是處則為照明以離諸已離眾以離眾冥。爾時諸天子。化作住天花散佛上作是言。世尊。若有善男子善女人受持般若波羅蜜乃至正憶念。魔若魔民天不能得其便。世尊。我等亦當擁護。是善男子善女人。何以故。若善男子善女人受持般若波羅蜜乃至正憶念。我等視是人如即是佛若次佛。是時釋提桓因白佛言。世尊。善男子善女人受持般若波羅蜜乃至正憶念者。當知是人先世於佛所作功德多。親近供養諸佛。為善知識所護。世尊何以故。諸佛一切智應當從般若波羅蜜中求。般若波羅蜜亦當從一切智中求。所以者何。般若波羅蜜不異一切智。一切智不異般若波羅蜜。般若波羅蜜一切智不二不別。是故我等視是人。即是如佛若次佛。佛告釋提桓因言。如是如是。憍尸迦。諸佛一切智即是般若波羅蜜。般若波羅蜜即是一切智。何以故。憍尸迦。諸佛一切智皆

從般若波羅蜜中生。般若波羅蜜不異一切智。一切智不異般若波羅蜜。般若波羅蜜一切智不二不別◎以上大般若第二會第三十三外道品終!!